

四庫全書

集部

欽定四庫全書

集部  
御定全唐詩卷  
六百九十八至  
七百

詳校官庶吉士臣胡 鈺

主事銜臣徐以坤覆勘

總校官知縣臣 繆 琪

校對官中書臣 陸 湘

騰錄監生臣馬世昌

欽定四庫全書

御定全唐詩卷六百九十八

韋莊

不出院楚公

自三衛至  
江西作

一自禪關閉心猿日漸馴不知城郭路稀識市朝人履  
帶堦前雪衣無寺外塵却嫌山翠好詩客往來頻

江邊吟

江邊烽燧幾時休江上行人雪滿頭誰信亂離花不見

只應惆悵水東流  
陶潛政事千杯酒  
張翰生涯一葉舟  
若有片颿歸去好  
可堪重倚仲宣樓

江南送李明府入關

雨花煙柳傍江邨  
流落天涯酒一樽  
分首不辭多下淚  
回頭唯恐更消魂  
我為孟館三千客  
君繼寧王五代孫  
正是中興磐石重  
莫將顛顛入都門

送福州王先輩南歸

豫章城下偶相逢  
自說今方遇至公  
八韻賦吟梁苑雪

六銖衣惹杏園風名標玉籍僊壇上家寄閩山畫障中  
明日一杯何處別綠楊煙岬雨濛濛

夜雪泛舟遊南溪

大江西面小溪斜入竹穿松似若耶兩岬巖風吹玉樹  
一灘明月曉一作銀砂因尋野渡逢漁舍更泊前灣上  
酒家去去不知歸路遠棹聲煙裏獨嘔啞

江行西望

西望長安白日遙半年無事駐蘭橈欲將張翰秋一作松

江雨畫作屏風寄鮑昭

銅儀

銅儀一夜變葭灰暖律還吹嶺上梅已喜漢官今再覩  
更驚堯歷又重開窗中遠岫青如黛門外長江綠似苔  
誰念閉關張仲蔚滿庭春雨長蒿萊

含香

含香高步已難陪鶴到清霄勢未回遇物旋添芳草句  
逢春寧滯碧雲才微紅幾處花心吐嫩綠誰家柳眼開

却去金鑿為近侍，便辭鷗鳥不歸來。

春雲

春雲春水雨溶溶，倚郭樓臺晚翠濃。  
山好只因人化石，地靈曾有劍為龍。  
官辭鳳闕頻經歲，家住峨眉第幾峰。  
王粲不知多少恨，夕陽吟斷一聲鐘。

雲散

雲散天邊落照和，闐闐春樹鳥聲多。  
劉伶避世唯沈醉，甯戚傷時亦浩歌。  
已恨歲華添皎鏡，更悲人事逐頽波。

青雲自有鵷鴻待莫說他山好薜蘿

袁州作

家家生計只琴書一郡清風似魯儒  
山色東南連紫府水聲西北屬洪都  
煙霞盡入新詩卷郭邑閑開古畫圖  
正是江村春酒熟更聞春鳥勸提壺

題袁州謝秀才所居

主人年少已能詩更有松軒挂夕暉  
芳草似袍連徑合白雲如鳥傍簷飛  
但將竹葉消春恨莫遣楊花上客衣



若有前山好煙雨與君吟到暝鐘歸

謁巫山廟

亂猿啼處訪高唐路入煙霞草木香山色未能忘宋玉  
水聲猶似哭襄王朝朝暮暮陽臺下為雨為雲楚國亡  
惆悵廟前無限柳春來空鬪畫眉長

鷓鴣

南禽無侶似相依錦翅雙雙傍馬飛孤竹廟前啼暮雨  
汨羅祠一作江畔弔殘暉秦人只解歌為曲越女空能畫

作衣懊惱澤家非

一作知

有恨年年長憶鳳城

一作皇

歸

懊惱

澤家鷓鴣之音也

### 宿蓬船

夜來江雨宿蓬船  
臥聽淋鈴不忍眠  
却憶紫微情調逸  
阻風中酒過年年

### 送李秀才歸荆溪

八月中秋月正圓  
送君吟上木蘭船  
人言格調勝元度  
我愛篇章敵浪僊  
晚渡去時衝細雨  
夜灘何處宿寒烟

楚王宮去陽臺近莫倚風流滯少年

洪州送西明寺省上人遊福建

記得初騎竹馬年送師來往御溝邊  
荆榛已失當時路槐柳全無舊日煙  
遠自嵇山遊楚澤又從廬岳去閩川  
新春闕下應相見紅杏花中覓酒僊

建昌渡暝吟

月照臨官渡鄉情獨浩然  
鳥棲彭蠡樹月上建昌船  
市散漁翁醉樓深賈客眠  
隔江何處笛吹斷綠楊煙

歲除對王秀才作

我惜今宵促君愁玉漏頻  
豈知新歲酒猶作異鄉身  
雪向寅前凍花從子後春  
到明追此會俱是隔年人

酒渴愛江清

酒渴何方療江波一掬清  
瀉甌如練色漱齒作泉聲  
味帶他山雪光含白露精  
只應千古後長稱伯倫情

和李秀才郊墅早春吟興十韻

暖律變寒光東君景漸長  
我悲遊海嶠君說住柴桑  
雪

色隨高嶽水聲陷古塘草根微吐翠梅朶半含霜酒市  
多逋客漁家足夜航匡廬雲傍屋彭蠡浪衝牀綠擺揚  
枝嫩紅挑菜甲香鳳皇城已盡鸚鵡賦應狂佇見龍辭  
沼寧憂雁失行不應雙劍氣長在斗牛傍

泛鄱陽湖

四顧無邊鳥不飛大波驚隔楚山微紛紛雨外靈均過  
瑟瑟雲中帝子歸迸鯉似梭投遠浪小舟如葉傍斜暉  
鷓夷去後何人到愛者雖多見者稀

黃藤山下聞猿

黃藤山下駐歸程一夜號猿弔旅情入耳便能生百恨  
斷腸何必待三聲穿雲宿處人難見望月啼時兔正明  
好笑五陵年少客壯心無事也沾纓

章江作

杜陵歸客正裴回玉笛誰家叫落梅之子棹從天外去  
故人書自日邊來楊花慢惹霏霏雨竹葉閒傾滿滿杯  
欲問維揚一作旌揚舊風月一江紅樹亂猿哀

南遊富陽江中作

南去又南去此行非自期  
一颿雲作伴千里月相隨  
浪跡花應笑衰容鏡每知  
鄉園不可問禾黍正離離

饒州餘干縣琵琶洲有故韓賓客宣城裴尚書  
脩行李侍郎舊居遺址猶存客有過之感舊因  
以和吟

琵琶洲近斗牛星  
鸞鳳曾於此放情  
已覺地靈因昴降  
更聞川媚有珠生  
一灘紅樹留佳氣  
萬古清弦續政聲

戟戶盡移天上去里人空說舊簪纓

九江逢盧員外

前年風月宿琴堂大婿僊山近帝鄉別後幾沾新雨露  
亂來猶記舊篇章陶潛豈是銅符吏田鳳終為錦帳郎  
莫怪相逢倍惆悵九江煙月似瀟湘

南昌晚眺

南昌城郭枕江煙章水悠悠浪拍天芳草綠遮僊尉宅  
落霞紅襯賈人船霏霏閣上千山雨嘒嘒雲中萬樹蟬



怪得地多章句客庾家樓在斗牛邊

衡州江上別李秀才

千山紅樹萬山雲把酒相看日又曛一曲離歌兩行淚

更知何地

一作處

再逢君

湘中作

千重煙樹萬重波因便何妨弔汨羅楚地不知秦地亂  
南人空怪北人多臣心未肯教遷鼎天道還應欲止戈  
否去泰來終可待夜寒休唱飯牛歌

桐廬縣作

錢塘江盡到桐廬水碧山青畫不如白羽鳥飛巖子瀨  
綠蓑人釣季鷹魚潭心倒影時開合谷口閑雲自卷舒  
此境只應詞客愛投文空弔木元虛

東陽贈別

繡袍公子出旌旗送我搖鞭入翠微大抵行人難訴酒  
就中辭客易沾衣去時此地題橋去歸日何年佩印歸  
無限別情言不得回看溪柳恨依依

寄湖州舍弟

半年江上愴離襟  
把得新詩喜又吟  
多病似逢秦氏藥  
久貧如得顧家金  
雲煙但有穿楊志  
塵土多無作吏心  
何況別來詞轉麗  
不愁明代少知音

信州西三十里山名僊人城下有月巖山其狀  
秀拔中有山門如滿月之狀余因行役過其下  
聊賦是詩

驅車過閩越路出饒陽西僊山翠如畫簇簇生虹蜺羣

峰若侍從衆，早如嬰提巖巒。互吞吐嶺岫，相追攜中有。  
月輪滿皎潔，如圓珪玉。皇恣遊覽，到此神應迷。嫦娥曳  
霞帔，引我同攀躋。騰騰上天半，玉鏡懸飛梯。瑤池何悄  
悄，鸞鶴煙中棲。回頭望塵世，露下寒淒淒。

婺州水館重陽日作

異國逢佳節，憑高獨苦吟。一杯今日醉，一作酒萬里故園

心。水館紅蘭合，山城紫菊深。白衣雖不至，鷗鳥自相尋。

避地越中作

避世移家遠天涯歲已周豈知今夜月還是去年愁露  
果珠沈水風螢燭上樓傷心潘騎省華髮不禁秋

撫州江口雨中作

江上閑衝細雨行滿衣風灑綠荷聲金駟掉尾橫鞭望  
猶指廬陵半日程

信州溪岸夜吟作

夜倚臨溪店懷鄉獨苦吟月當山頂出星倚水潄沈霧  
氣漁燈冷鐘聲谷寺深一城人悄悄琪樹宿僊禽

訪潯陽友人不遇

不見安期海上樓，寂寥人對鷺鷥愁。  
蘆花雨急江煙暝，何處潺潺獨棹舟。

東林寺再遇僧益大德

見師初事懿皇朝，三殿歸來白馬驕。  
上講每教傾國聽，承恩偏得內官饒。  
當時可愛人如畫，今日相逢鬢已凋。  
若向君門逢舊友，為傳音信到雲霄。

西塞山下作

西塞山前水似藍，亂雲如絮滿澄潭。  
孤峰漸映湓城北，片月斜生夢澤南。  
變動曉煙烹紫蕨，露和香蒂摘黃柑。  
他年却棹扁舟去，終傍蘆花結一菴。

齊安郡

彌棹齊安郡，孤城百戰殘。  
傍村林有虎，帶郭縣無官。  
暮角梅花怨，清江桂影寒。  
黍離緣底事，撩我起長歎。

夏口行寄婺州諸弟

回頭煙樹各天涯，婺女星邊遠寄家。  
盡眼楚波連夢澤，

滿衣春雪落江花  
雙雙得伴爭如雁  
一一歸巢却羨鴝  
誰道我隨張博望  
悠悠空外泛僊槎

南省伴直

甲寅年自江南到京後作

文昌二十四僊曹  
盡倚紅簷種露桃  
一洞煙霞人迹少  
六行槐柳鳥聲高  
星分夜彩寒侵帳  
蘭惹春香綠映袍  
何事愛留詩客宿  
滿庭風雨竹蕭騷

郭杜舊居二首

却到山陽事事非  
谷雲谿鳥尚相依  
阮咸貧去田園盡



向秀歸來父老稀  
秋雨幾家紅稻熟  
野塘何處錦鱗肥  
年年為獻東堂策  
長是蘆花別釣磯

一徑尋村渡碧溪  
稻花香澤水千畦  
雲中寺遠磬難識  
竹裏巢深鳥易迷  
紫菊亂開連井合  
紅榴初綻拂簷低  
歸來滿把如澆酒  
何用傷時歎鳳兮

寄江南諸弟

萬里逢歸雁  
鄉書忍淚封  
吾身不自保  
爾道各何從  
性拙唯多蹇  
家貧半為慵  
祇思溪影上  
臥看玉華峰

投寄舊知

却將顛顛入都門自喜青霄足故人萬里有家留百越  
十年無路到三秦摧殘不是當時貌流落空餘舊日貧  
多謝青雲好知己莫教歸去重沾巾

癸丑年下第獻新先輩

五更殘月省牆邊絳旆蜺旌卓曉煙千炬火中鶯出谷  
一聲鐘後鶴冲天皆乘駿馬先歸一作爭先去獨被羸童笑  
晚眠對酒暫時情豁爾見花依舊涕潛然未酬闕澤傭

書債猶欠君平賣卜錢  
何事欲休休不得來年公道似  
今年

題汧陽縣馬跑泉李學士別業

水滿寒塘菊滿籬籬邊無限彩禽飛  
西園夜雨紅櫻熟  
南畝清風白稻肥  
草色自留閒客住  
泉聲如待主人歸  
九霄岐路忙於火  
宵戀斜陽守釣磯

絳州過夏留獻鄭尚書

朝朝沈醉引金船  
不覺西風滿樹蟬  
光景暗消銀燭下

夢魂長寄玉輪邊  
因循每被時流誚  
奮發須由國士憐  
明月客腸何處斷  
綠槐風裏獨揚鞭

綏州作

雕陰無樹水難

一作南

流雉堞連雲古帝州  
帶雨晚駝鳴

遠戍望鄉孤客倚  
高樓明妃去日花  
應笑蔡琰歸時鬢  
已秋一曲單于暮  
烽起扶蘇城上月  
如鉤

御定全唐詩卷六百九十八

欽定四庫全書

御定全唐詩卷六百九十九

韋莊

與東吳生相遇

及第後  
出關作

十年身事

一作  
世

各如萍白首相逢淚滿纓老去不知花

有態亂來唯覺酒多情貧疑陋巷春偏少貴想豪家月

最明且

一作  
獨

對一尊開口笑未衰應見泰階平

庭前桃

曾向桃源爛漫遊也同漁父泛僊舟皆言洞裏千株好  
未勝庭前一樹幽帶露似垂湘女淚無言如伴息媯愁  
五陵公子饒春恨莫引香風上酒樓

丙辰年邳州過寒食城外醉吟五首

滿街楊柳綠絲煙畫出清明二月天好是隔簾花樹動  
女郎撩亂送鞦韆

雕陰寒食足遊人金鳳羅衣濕麝薰腸斷入城芳草路  
淡紅香白一羣羣

開元坡下日初斜  
拜掃歸來走鈿車  
可惜數株紅艷好  
不知今夜落誰家

馬驕風疾玉鞭長  
過去唯留一陣香  
閒客不須燒破眼  
好花皆屬富家郎

雨絲煙柳欲清明  
金屋人閑煖鳳笙  
永日一作畫迢迢無  
一事隔街聞築一作蹴氣毬聲

宜君一作春縣比卜居不遂留題王秀才別墅二

首

本期同此臥林丘  
楮拙爐前擁布裘  
何事却騎羸馬去  
白雲紅樹不相留

明月嚴霜撲早貂  
羨君高臥正逍遙  
門前積雪深三尺  
火滿紅爐酒滿瓢

鄜州留別張員外

江南相送君山下  
塞北相逢朔漠中

一作相慕

三楚故人皆

是夢十年陳事只如風  
莫言身世他時異  
且喜琴尊數日同  
惆悵却愁明日別  
馬嘶山店雨濛濛



病中聞相府夜宴戲贈集賢盧學士

滿筵紅蠟照香鈿  
一夜歌鐘欲沸天花裏  
亂飛金錯落  
月中爭認繡連乾  
尊前莫話詩三百  
醉後寧辭酒十千  
無那兩三新進士  
風流長得飲徒憐

出關

馬嘶煙岬柳陰斜  
東去

一作回首

關山路轉賒到處  
因循緣

嗜酒一生惆悵為  
判花危時祇合身無著  
白日那堪事  
有涯正是灞陵春  
酌綠仲宣何事獨辭家

過樊川舊居

時在華州駕前奉使入蜀作

却到樊川訪舊遊  
夕陽衰草杜陵秋  
應劉去後苔生閣  
嵇阮歸來雪滿頭  
能說亂離惟有燕  
解偷閒暇不如鷗  
千桑萬海無人見  
橫笛一聲空淚流

長安舊里

滿目牆匡

一作垣

春草深傷時傷事  
更傷心車輪馬跡今

何在十二玉樓無處尋

過漢陂懷舊

辛勤曾寄玉峰前一別雲溪二十年三徑荒涼迷竹樹  
四鄰凋謝變桑田漢陂可是當時事紫閣空餘舊日煙  
多少亂離無處問夕陽吟罷涕潸然

汧陽間

一作汧陽縣閣

汧水悠悠去似緝遠山如畫翠嶺橫僧尋野渡歸吳嶽  
雁帶斜陽入渭城邊靜不收蕃帳馬地貧惟賣隴山鷄  
牧童何處吹羌笛一曲梅花出塞聲

焦崖閣

李白曾歌蜀道難長聞白日上青天今朝夜過焦崖閣  
始信星河在馬前

雞公憤

去褒城縣  
二十里

石狀雖如憤山形可類雞向風疑欲鬪帶雨似聞啼蔓  
織青籠合松長翠羽低不鳴非有意為怕客奔齊

御定全唐詩卷六百九十九

欽定四庫全書

御定全唐詩卷七百

韋莊

平陵老將

此以下詩皆  
是外補遺

白羽金僕姑腰懸雙轆轤前年蔥嶺北獨戰雲中胡足  
馬塞垣老一身如鳥孤歸來辭第宅却占平陵居

即事

亂世時偏促陰天日易昏無言搔白首憔悴倚東門

姪人養蠶

昔年愛笑蠶家婦今日辛勤自養蠶  
仍道不愁羅與綺  
女郎初解織桑籃

長干塘別徐茂才

亂離時節別離輕別酒應須滿滿傾  
纔喜相逢又相送  
有情爭得似無情

勉兒子

養爾逢多難常憂學已遲  
辟疆為上相何必待從師

乞彩牋歌

浣花溪上如花客，綠闇紅藏人不識。  
留得溪頭瑟瑟波，潑成紙上猩猩色。  
手把金刀裁綵雲，有時翦破秋天碧。  
不使紅霓段段飛，一時驅上丹霞壁。  
蜀客才多染不供，卓文醉後開無力。  
孔雀銜來向日飛，翩翩壓折黃金翼。  
我有歌詩一千首，磨礮山岳羅星斗。  
開卷長疑雷電驚，揮毫只怕龍蛇走。  
班班布在時人口，滿袖松花都未有。  
人間無處買煙霞，須知得自神仙手。  
也知價重連城璧。

一紙萬金猶不惜薛濤昨夜夢中來殷勤勸向君邊覓  
白牡丹

閨中莫妬新妝婦陌上須慚傅粉郎昨夜月明渾似水  
入門唯覺一庭香

憫耕者

何代何王不戰爭盡從離亂見清平如今暴骨多於土  
猶點鄉兵作戍兵

壺關道中作



處處兵戈路不通却從山北去江東  
黃昏欲到壺關寨  
正馬寒嘶野草中

題酒家

酒綠花紅客愛詩落花春岬酒家旗  
尋思避世為逋客  
不醉長醒也是癡

寄舍弟

每吟富貴他人合不覺沈瀾又濕衣  
萬里日邊鄉樹遠  
何年何路得同歸

僕者楊金

半年辛苦葺荒居不獨單寒腹亦虛  
努力且為田舍客他年為爾覓金魚

春陌二首

滿街芳草卓香車僊子門前白日斜  
腸斷東風各回首一枝春雪凍梅花

嫩煙輕染柳絲黃勾引花枝笑凭牆  
馬上王孫莫回首好風偏逐羽林郎

贈姬人

莫恨紅裙破休嫌白屋低  
請看京與洛誰在舊香閨

中酒

南鄰酒熟愛相招  
蘸甲傾來綠滿瓢  
一醉不知三日事  
任他童穉作漁樵

暴雨

江村入夏多雷雨  
曉作狂霖晚又晴  
波浪不知深幾許  
南湖今與北湖平

悼亡姬

鳳去鸞歸不可尋  
十洲仙路彩雲深  
若無少女花應老  
為有姮娥月易沈  
竹葉豈能消積恨  
丁香空解結同心  
湘江水闊蒼梧遠  
何處相思弄舜琴

獨吟

以下四首俱悼亡姬作

默默無言惻惻悲  
閒吟獨倚菊花籬  
只今已作經年別  
此後知為幾歲期  
開篋每尋遺念物  
倚樓空綴悼亡詩  
夜來孤枕空腸斷  
窗月斜輝夢覺時

悔恨

六七年來春又秋也同歡笑也同愁纔聞及第心先喜  
試說求婚淚便流幾為妒來頻斂黛每思閒事不梳頭  
如今悔恨將何益腸斷千休與萬休

虛一作席

一閉香閨後羅衣盡施僧鼠偷筵上果蛾撲帳前燈土  
蝕釵無鳳塵生鏡少菱有時還影響花葉曳香繒

舊居

芳草又芳草故人揚子家青雲容易散白日等閒斜皓  
質留殘雪香魂逐斷霞不知何處笛一夜叫梅花

晏起

爾來中酒起常遲臥看南山改舊詩開

一作  
閉

戶日高春

寂寂數聲啼鳥上花枝

幽居春思

綠映紅藏江上村一聲雞犬似山源閉門盡日無人到  
翠羽春禽滿樹喧

思歸引

越鳥南翔鴈北飛  
兩鄉雲路各言歸  
如何我是飄飄者  
獨向江頭戀釣磯

與小女

見人初解語  
嘔啞不甯歸  
眠戀小車一夜嬌  
啼綠底事  
為嫌衣少縷  
金華

虎跡

白額頻頻夜到門  
水邊蹤跡漸成羣  
我今避世棲巖穴

巖穴如何又見君

買酒不得

停尊待爾怪來遲  
手挈空罍歸滿面  
春愁消不得  
更看溪鷺寂寥飛

得故人書

正向溪頭自采蘇  
青雲忽得故人書  
殷勤問我歸來否  
雙闕而今畫不如

洪州送僧遊福建



八月風波似鼓聲，可堪波上各東西。  
殷勤早作歸來計，莫戀猿聲住建溪。

聞回戈軍

上將鏖兵又欲

一作去一本缺二字

旋翠華，巡幸已三年。營中不

用裁揚柳，願戴儒冠為控弦。

南鄰公子

南鄰公子夜歸聲，數炬銀燈隔竹明。  
醉凭馬鬣扶不起，更邀紅袖出門迎。

憶小女銀娘

睦州江上水門西  
蕩槳揚帆各解攜  
今日天涯夜深坐  
斷腸偏憶阿銀犁

女僕阿汪

念爾辛勤歲已深  
亂離相失又相尋  
他年待我門如市  
報爾千金與萬金

河清縣河亭

由來多感莫憑高  
竟日哀腸似有刀  
人事任成陵與谷

大河東去自滔滔

鍾陵夜闌作

鍾陵風雪夜將深  
坐對寒江獨苦吟  
流落天涯誰見問  
少卿應識子卿心

悼楊氏妓琴弦

魂歸寥廓魄歸煙  
只住人間十八年  
昨日施僧裙帶上  
斷腸猶繫琵琶絃

殘花

江頭沈醉泥斜暉，却向花前慟哭歸。  
惆悵一年春又去，碧雲芳草兩依依。

歲晏同左生作

歲暮鄉關遠，天涯手重攜。  
雪埋江樹短，雲壓夜城低。  
寶瑟湘靈怨，清砧杜魄啼。  
不須臨皎鏡，年長易淒淒。

咸陽懷古

城邊人倚夕陽樓，城上雲凝萬古愁。  
山色不知秦苑廢，水聲空傍漢宮流。  
李斯不向倉中悟，一作死徐福應無物。

外遊莫怪楚吟偏，斷骨野煙蹤跡似東周。

和同年韋學士華下途中見寄

綠楊城郭雨淒淒，過盡千輪與萬蹄。  
送我獨遊三蜀路，羨君新上九霄梯。  
馬驚門外山如活，花笑尊前客似泥。  
正是清和好時節，不堪離恨劍門西。

春愁

自有春愁正斷魂，不堪芳草思王孫。  
落花寂寂黃昏雨，深院無人獨倚門。

傷灼灼

灼灼蜀之麗人也近聞貧且老粗  
落子成都酒市中因以四韻吊之

嘗聞灼灼麗於花雲髻盤時未破瓜桃臉曼長橫綠水  
玉肌香膩透紅紗多情不住神仙界薄命曾嫌富貴家  
流落錦江無處問斷魂飛作碧天霞

漢州

比一作北儂初到漢州城郭邑樓臺觸目驚松桂影中旌

旆色芰荷風裏管絃聲人心不似經離亂時運還應却

太平十日醉眠金鴈驛臨歧無恨一作限臉波橫

長安清明

蚤是傷春夢

一作暮

雨天可堪

一作憐

芳草更芊芊  
內官初

賜清明火上相聞

一作闕

分白打錢紫陌亂  
嘶紅叱撥綠

揚高映

一作影

畫鞦韆遊人記得承  
平事暗喜風光似昔

年

秋霽晚景

秋霽禁城晚六街煙雨殘  
牆頭山色健林外鳥聲歡  
翹日樓臺麗清風劍佩寒  
玉人襟袖薄斜凭翠闌干

和人春暮書事寄崔秀才

半掩朱門白日長  
晚風輕墮落梅妝  
不知芳草情何限  
只怪遊人思易傷  
纔見早春鶯出谷  
已驚新夏燕巢梁  
相逢只賴如澠酒  
一曲狂歌入醉鄉

古離別

一作多情

一生風月供惆悵  
到處煙花恨別離  
止竟多情何處好  
少年長抱長年悲

邊上逢薛秀才話舊



前年同醉武陵亭絕倒閒譚坐到明也有絳脣歌白雪  
更憐紅袖奪金觥秦雲一散如春夢楚市千燒作故城  
今日皤然對芳草不勝東望涕交橫

飲散呈主人

夢覺笙歌散空堂寂寞秋更聞城角弄煙雨不勝愁

使院黃葵花

薄妝新著澹黃衣對捧金爐侍醮遲向月似矜傾國貌  
倚風如唱步虛詞乍開檀炷疑聞語試與雲和必解吹

為報同人看來好不禁秋露即離披

搖落

搖落秋天酒易醒  
淒淒長似別離情  
黃昏倚柱不歸去  
腸斷綠荷風雨聲

奉和觀察郎中春暮憶花言懷見寄四韻之什

天畔峨嵋簇簇青  
楚雲何處隔重扃  
落花帶雪埋芳草  
春雨和風濕畫屏  
對酒莫辭衝暮角  
望鄉誰解倚南亭  
惟君信我多惆悵  
只願陶陶不願醒

奉和左司郎中春物暗度感而成章

纔喜新春已暮春夕陽吟殺倚樓人  
錦江風散霏霏雨花市香飄漠漠塵  
今日尚追巫峽夢少年應遇洛川神  
有時自患多情病莫是生前宋玉身

少年行

五陵豪客多買酒黃金觥醉下酒家樓  
美人雙翠慙揮劍邯鄲市走馬梁王苑  
樂事殊未央年華已云晚

令狐亭

若非天上神仙宅，須是人間將相家。  
想得當時好煙一作

風月管弦吹殺後庭花

閨月

明月照前除，煙華蕙蘭濕。  
清風行處來，白露寒蟬急。  
美人情易傷，暗上紅樓立。  
欲言無處言，但向姮娥泣。

閨怨

戚戚彼何人，明眸利於月。  
啼妝曉不乾，素面凝香雪。  
良人去溜，右鏡破金簪。  
折空藏蘭蕙，心不忍琴中說。

上春詞

曠隴赫日東方來禁城煙煖蒸青苔金樓美人花屏開  
晨妝未罷車聲催幽蘭報暖紫芽折天花愁艷蝶飛迴  
五陵年少惜花落酒濃歌極翻如哀四時輪環終又始  
百年不見南山摧遊人陌上騎生塵顏子門前吹死灰

擣練篇

月華吐艷明燭燭青樓婦唱擣衣曲白袷絲光織魚目  
菱花綬帶鴛鴦簇臨風縹緲疊秋雪月下丁冬擣寒玉

樓蘭欲寄在何鄉憑人與繫征鴻足

雜體聯錦

攜手重攜手夾江金線柳江上柳能長行人戀尊酒尊  
酒意何深為郎歌玉簪玉簪聲斷續鈿軸鳴雙轂雙轂  
去何方隔江春樹綠樹綠酒旗高淚痕沾繡袍袍縫紫  
鷺濕重持金錯刀錯刀何燦爛使我腸千斷腸斷欲何  
言簾動真珠繫真珠綴秋露秋露沾金盤金盤湛瓊液  
仙子無歸跡無跡又無言海煙空寂寂寂寂古城道馬

嘶芳岬草岬草接長堤長堤人解攜解攜忽已久緬邈  
空回首回首隔天河恨唱蓮塘歌蓮塘在何許日暮西

山雨

長安春

長安二月多香塵六街車馬聲麟麟家家樓上如花人  
千枝萬枝紅艷新簾間笑語自相問何人占得長安春  
長安春色本無主古來盡屬紅樓女如今無柰杏園人  
駿馬輕車擁將去

撫盈歌

鳳穀兮鴛綃霞疏兮綺寮玉庭兮春晝金屋兮秋宵愁  
瞳兮月皎笑頰兮花嬌羅輕兮濃麝室煖兮香椒鑾輿  
去兮蕭屑七絲斷兮泐寥主父臥兮漳水君王幸兮雲  
輶鉛華宵窈兮穠姿棠公肸鬻兮靡依翠華長逝兮莫  
追晏相望門兮空悲

贈峨嵋山彈琴李處士

峨嵋山下能琴客似醉似狂人不測何須見我眼偏青



未見我身頭已白茫茫四海本無家一片愁雲颺秋碧

壺中醉臥日月明

一作長

世上長遊天地窄晉朝叔夜舊

相知蜀郡文君小來識後生常建彼何人贈我篇章苦  
雕刻名卿名相盡知音過酒過琴無間隔如今世亂獨  
脩然天外鴻飛招不得余今正泣楊朱淚八月邊城風  
刮地霓旌絳旆忽相尋為我尊前橫綠綺一彈猛雨隨  
手來再彈白雪連天起淒淒清清松上風咽咽幽幽隴  
頭水吟蜂遶樹去不來別鶴引雛飛又止錦麟不動惟

側頭白馬仰聽空豎耳廣陵故事無人知古人不說今  
人疑子期子野俱不見烏啼鬼哭空傷悲坐中詞客悄  
無語簾外月華庭欲午為君吟作聽琴歌為我留名係  
仙譜

江皋贈別

金管多情恨解攜一聲歌罷客如泥江亭繫馬綠楊短  
野岼維舟春草齊帝子夢魂煙水闊謝公詩思碧雲低  
風前不用頻揮手我有家山白日西

南陽小將張彥破口鎮稅人場射虎歌

一作白居易詩

海內昔年狎太平橫目穰穰何崢嶸天生天殺豈天怒  
忍使朝朝餵猛虎關東驛路多丘荒行人最忌稅人場  
張彥雄特制殘暴見之叱起如叱羊鳴弦霹靂越幽阻

往往依林猶抵

一作旅

拒草際旋看委錦茵腰間不更

一作

見抽白羽老饗已斃衆雛恐童稚柳榆皆自勇忠良効

順勢亦然一劍猜狂敢輕動有文有武方為國不是英  
雄伏不得試徵張彥作將軍幾箇將軍願策勲

下邳感舊

太平廣記云莊幼時常在華州下邳  
縣僑居多與鄰巷諸兒會戲及廣明

亂後再經舊里追思往事  
但有遺蹤因賦詩以記之

昔為童稚不知愁竹馬間乘遠縣遊  
曾為看花偷出郭也因逃學暫登樓  
招他邑客來還醉僂得先生去始休  
今日故人何處問夕陽衰草盡荒丘

塗次逢李氏兄弟感舊

御溝西面朱門宅記得當時好弟兄  
曉傍柳陰騎竹馬夜隈燈影弄先生  
巡街趁蝶衣裳破上屋探雛手脚輕

今日相逢俱老大憂家憂國盡公卿

龍潭

一作僧  
應物詩

激石

一作  
石激

懸流雪滿灣九

一作  
五

龍潛處野雲閑欲行甘

雨四天下

一作漸收雷  
電九峰下

且隱

一作  
飲

澄

一作  
溪

潭一頃

一作  
水

間浪引浮槎依北岬波分晚

一作  
曉

日見

一作  
浸

東山垂髯

儻遇穆王駕閨苑周流應未還

一作回瞻四面如看  
畫須信遊人不欲還

江上別李秀才

前年相送灞陵春今日天涯各避秦莫向尊前惜沈醉

與君俱是異鄉人

句

印將金鑲鑲簾用玉鉤鉤

北夢瑣言云杜荀鶴嘗吟一聯詩云舊衣仄絮絮新酒竹

黃葛或話於莊莊擬之云云即大拜之祥也

不隨妖豔開獨媚元冥節

梅

見海錄 碎事 豈是為窮常見隔只應嫌酒不相過

贈貫休見高僧

御定全唐詩卷七百

欽定四庫全書

御定全唐詩卷七百

集部

三

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陸湘

謄錄監生臣馬世昌

欽定四庫全書

御定全唐詩卷七百一

王貞白

王貞白字有道永豐人乾寧二年張貽憲榜進士後七  
年始授校書郎嘗與羅隱方干貫休同倡和有靈溪集  
十卷今編詩一卷

擬塞外征行

寇騎滿雞田都護欲臨邊青泥方絕漠懷劍始辭燕旌



旗挂龍虎壯士募鷹鷂長城威十萬高嶺奮三千行行  
向馬邑去去指祁連鼓聲遙赤塞兵氣遠衝天對陣雲  
初上臨城月始懸風驚烽易滅沙暗馬難前恩重恆思  
報勞心一作心勞屢損年微功一可立身輕不自憐

蘆葦

高士想江湖湖閒庭植蘆清風時有至綠竹興何殊嫩  
喜日光薄疎憂雨點靡驚蛙跳得過鬪雀裊如無未織  
巴籬護幾檯叩竹扶惹煙輕弱柳醮水漱清蒲溉灌情

偏重琴樽賞不孤  
穿花思釣叟  
吹葉少羌雛  
寒色暮天  
映秋聲遠  
籟俱朗吟  
應有趣瀟灑  
十餘株

田舍曲

古今利名路只在儂門前  
至老不離家  
一生常晏眠  
牛羊晚自歸  
兒童戲野田  
豈思封侯貴  
唯只待豐年  
征賦  
豈辭苦  
但願時官賢  
時官苟貪濁  
田舍生憂煎

妾薄命

薄命頭欲白  
頻年嫁不成  
秦娥未十五  
昨夜事公卿  
豈

有機杼力空傳歌舞名妾專脩婦德媒氏却相輕

湘妃怨

舜欲省蠻陬南巡非逸遊九江沉白日二女泣滄洲  
目極楚雲斷恨深湘水流至今聞鼓瑟咽絕不勝愁

長門怨二首

寂寞故宮春殘燈曉尚存從來非妾過

一作妬

偶爾失君

恩花落傷容鬢鶯啼驚夢魂翠華如可待應免老長門  
葉落長門靜苔生永巷幽相思對明月獨坐向空樓鑿

駕迷終轉蛾眉老自愁  
昭陽歌舞伴此夕未知秋

有所思

一作長  
相思

芙蓉出水時偶爾便分離  
自此無因見長教挂所思  
殘春不入夢芳信欲傳誰  
寂寞秋堂下空吟小謝詩

短歌

物候來相續新蟬送晚鶯  
百年休倚賴一夢甚分明  
金鼎神仙隱一作秘銅壺晝夜傾  
不如早立德萬古有其名

御溝水

一帶御溝水綠槐相蔭清此中

一作泉

涵帝澤無處濯塵

纓鳥道來雖險龍池到自平朝宗本心切願向急流傾

少年行二首

遊讌不知厭杜陵狂少年花時輕暖酒春服薄裝綿戲  
馬上林苑鬪雞寒食天魯儒甘被笑對策鬢皤然

弱冠投邊急驅兵夜渡河追奔鐵馬走殺虜寶刀訖

一作

批威靜黑山路氣含

一作吞

清海波常聞為突騎天子賜

長戈

塞上曲

歲歲但防虜西征早晚休匈奴不繫頸漢將但封侯夕  
照低烽火寒笳咽戍樓燕然山上字男子見須羞

長安道

曉鼓人已行暮鼓人未息梯航萬國來爭先貢金帛不  
問賢與愚但論官與職如何貧書生只獻安邊策

洛陽道

喧喧洛陽路奔走爭先步唯恐著鞭遲誰能更迴顧覆

車雖在前潤屋何曾懼賢哉只二疏東門掛冠去

度關山

只領千餘騎長驅磧色間雲州多警急雪夜度關山石  
響鈴聲遠天寒弓力慳秦樓休悵望不日凱歌還

出自薊北門行

薊北連極塞塞色晝冥冥戰地骸骨滿長時風雨腥沙

河留一作流不定春草凍難青萬戶封侯者何謀靜虜庭

從軍行

從軍朔方久未省用干戈祇以恩信及自然戎虜和邊  
聲動百草燒色入枯河每度因看獵令人勇氣多

古悔從軍行

憶昔仗孤劍十年從武威論兵親玉帳逐虜過金微隴  
水秋先凍關雲寒一作漢不飛辛懃功業在麟閣志猶違

胡笳曲

隴底悲笳引一作動隴頭鳴北風一輪霜月落萬里塞天

空戍卒淚應盡胡兒哭一作語未終爭教班定遠不念玉



關中

入一作塞

出

玉殿論兵事君王詔出征  
新除羽林將曾破月支兵  
慣歷塞垣險能分部落情  
從今一戰勝不使虜塵生

遊僊

我家三島上洞戶眺波濤  
醉背雲屏臥誰知海日高  
露香紅玉樹風綻碧蟠桃  
悔與仙子別思歸夢釣鼇

歌

一作涼州行

誰唱關西曲寂寞

一作寥寥  
作寥寥

夜景深一聲長在耳萬恨

重經心調古清風起曲終涼月沉却應筵上客未必是

知音

經故洛城

卜世何久遠由來仰聖明山河徒自壯周召不長生幾  
主任姦諂諸侯各戰爭但餘崩壘在今古共傷情

金陵

一本同下  
題作二首

六代江山在蘇華古帝都亂來城不守戰後地多蕪寒

日隨潮落歸帆與鳥孤興亡多少事回首一長吁

金陵懷古

恃險不種德興亡歎數窮石城幾換主天塹謾連空御  
路壘民塚臺基聚牧童折碑猶有字多記晉一作昔英雄

商山

商山名利路夜亦有人行四皓臥雲處千秋壘蘚生畫  
燒籠澗黑殘雪隔林明我待酬恩了來聽水石聲

廬山

嶽立鎮南楚，雄名天下聞。  
五峰高闕日，九疊翠連雲。  
夏谷雪猶在，陰巖晝不分。  
唯應嵩與華，清峻得為羣。

終南山

終朝異五岳

一作千山  
疑黛色

列翠

一作今古

滿長安地去搜揚

一作

王都 近人謀隱遁，難水穿

一作通

諸苑過雪照，一城寒為問

紅塵裏誰同駐馬看

一作太華遙相  
望晴樓幾處看

寄鄭谷

五百首新詩，緘封寄去時

一作與誰

祇憑夫子鑒，不要俗人

知火鼠重收布水蠶乍吐絲直須天上手裁作領巾披  
題嚴陵釣臺

山色四時碧溪聲七里清嚴陵愛此景下視漢公卿垂  
釣月初上放歌風正輕應憐渭濱叟匡國正論兵

曉泊漢陽渡

落月臨古渡武昌城未開殘燈明市井曉色辨樓臺雲  
自蒼梧去水從番禺來芳洲號鸚鵡用記禰生才

隨計

徒步隨計吏辛勤鬢易凋歸期無定日鄉思羨迴潮  
冒雨投前驛侵星過斷橋何堪穆陵路霜葉更瀟瀟

### 白牡丹

穀雨洗纖素裁為白牡丹異香開玉合輕粉泥銀盤  
曉貯露華濕宵傾月魄寒家一作佳人淡粧罷無語倚朱欄

### 述松

遠谷呈材幹何由入棟梁歲寒虛勝竹功績不如桑秋

露

一作老

落松子春

一作雪

深裛

一作裛

嫩黃雖蒙匠者顧樵

採日難防

宮池產瑞蓮

帖經  
日試

雨露及萬物嘉祥有瑞蓮香飄雞樹近榮占鳳池先聖  
日臨雙麗恩波照並妍願同指佞草生向帝堯前

送友人南歸

南國菖蒲老知君憶釣船離京近殘暑歸路有新蟬峴  
首白雲起洞庭秋月懸若教吟興足西笑是何年

送馬明府歸山

辭秩入匡廬重脩靖節居  
免遭黑綬束不與白雲疎  
送吏各獻酒羣兒自擔書  
到時看瀑布為我謝清虛

送韓從事歸本道

獻捷靈州倅歸時寵拜新  
論邊多稱旨許國誓亡身  
馬渴黃河凍雁回青塚春  
到蕃唯促戰應不肯和親

秋日旅懷寄右省鄭拾遺

永夕愁不寐草蟲喧客庭  
半窗分曉月當枕落殘星  
鬢髮遊梁白家山近越青  
知音在諫省苦調有誰聽



贈劉凝評事

棘寺官初罷，梁園靜掩扉。  
春深顏子巷，花映老萊衣。  
談史曾無滯，攻書已造微。  
即膺新寵命，稱慶向庭闈。

憶張處士

天台張處士，詩句造元微。  
古樂知音少，名言與俗違。  
山風入松徑，海月上巖扉。  
畢世唯高臥，無人說是非。

雲居長老

巖路躡雲上來，叅出世僧松。  
高半巖雪竹，覆一溪水不。

說有為法非傳無盡燈了然方寸內應祇見南能

洗竹

道院竹籜教畧洗鳴琴酌酒看扶疎不圖結實來雙鳳  
且要長竿釣巨魚錦箨裁冠添散逸玉芽脩饌稱清虛  
有時記得三天事自向琅玕節下書

庾樓曉望

獨凭朱檻亦凌晨山色初明水色新竹霧曉籠銜嶺月  
蘋風暖送過江春子城陰處猶殘雪衙鼓聲前未有塵

三百年來庾樓上曾經多少望鄉人

送芮尊師

石上菖蒲節節靈先生服食得長生早知

一作年

避世憂

身老近日登山覺步輕黃鶴待傳蓬島信丹書應換藥  
宮名他年控鯉昇天去廬岳逋民願從行

折楊柳三首

一作段成式詩

枝枝交影鎖長門嫩色曾沾雨露恩鳳輦不來春欲盡  
空畱鶯語到黃昏

水殿年年占早芳  
柔條風裏御爐香  
如今萬乘多巡狩  
輦路無陰綠草長

嫩葉初齊不耐寒  
風和時拂玉攔干  
征人去日曾攀折  
泣雨傷春翠黛殘

遠聞本郡行春到舊山二首

一身從宦留京邑  
五馬遙聞到舊山  
已領煙霞光野徑  
深慙老幼候柴關

清風借響松筠外  
畫隼停暉水石間  
定掩溪名在圖傳

共知軒蓋此登攀

宿新安村步

浙浙寒流漲淺沙  
月明空渚徧蘆花  
離人偶宿孤邨下  
永夜聞砧一兩家

僊巖二首

白煙晝起丹竈紅  
葉秋書篆文二十四  
巖天上一雞啼  
破晴雲

風呼山鬼服役月  
照衡薇結花江暖  
客尋瑤草洞溪人

燕丹霞

雨後從陶郎中登庾樓

庾樓逢霽色夏日欲西曛虹截半江雨風驅大澤雲島

邊漁艇聚天畔鳥行分此景堪誰畫文翁請綴文

一本  
截前

後為  
絕句

九日長安作

無酒泛金菊登高但憶秋歸心隨旅雁萬里在滄洲殘

照明天闕孤砧隔御溝誰能思落帽兩鬢已添愁

曉發蕭關

早發長風裹邊城曙色問數鴻寒背磧片月落臨關隴  
上明星沒沙中夜探還歸程不可問幾日到家山

釣臺

異代有巢許方知嚴子情舊交雖建國高臥不求榮溪  
鳥寒來浴汀蘭暖重生何顏吟過此辛苦得浮名

寄天台葉尊師

師住天台久長聞過石橋晴峯見滄海深洞徹丹青採

藥霞衣濕煎芝古鼎焦念予無俗骨頻與鶴書招

御試後進詩

三時賜食天廚近再宿偷吟禁漏清二十五家齊拔宅

人間已寫上昇名

是年初放二十五人後  
覆汰止放十五人也

春日詠梅花

見絕句  
辨體

靚妝纔罷粉痕新迨曉風迴散玉塵若遣有情應悵望  
已兼殘雪又兼春

句



太陽雖不照梁棟每重陰

廊下井以下吟窗雜錄

白髮未逢媒

對景且裴回

醜婦

別酒莫辭今夜醉故人知我幾時來

合賦

改貫永留鄉黨額減租重感郡侯恩

洪景盧野處集載赴選別

太守句貞白自注蒙本州改坊名為進賢并減戶稅

御定全唐詩卷七百一

欽定四庫全書

御定全唐詩卷七百二

張蠙

張蠙字象文清河人初與許棠張喬齊名登乾寧二年  
進士第為校書郎櫟陽尉犀浦令入蜀拜膳部員外終  
金堂令詩一卷

登單于臺

邊兵春盡回獨上單于臺白日地中出黃河天外来沙

翻痕似浪風急響疑雷欲向陰關度陰關曉不開

寄友人

戀

一作世

道欲

一作復

何如東西遠索居長疑即見面翻致

久無書向麥深葦雉淮苔淺露魚相思不我會明月幾盈虛

和崔監丞春遊鄭僕射東園

春興隨花盡東園自養閒不離三畝地似入萬重山  
白鳥穿蘿去清泉抵石還豈同秦代客無位隱商山

過蕭關

出得蕭關北，儒衣不稱身。

一作猿

來試客沙鷗，下欺

人。曉戍殘烽火，晴原起獵塵。邊戎莫相忌，非是霍家親。

盆池

圓內陶化功，外絕衆流通。選處離松影，穿時減藥叢。別疑天在地，長對月當空。每使登門客，煙波入夢中。

野泉

遠出白雲中，長年聽不同。

一作窮

清聲縈亂石

一作亂石

寒色

入長

一作潭

空挂壁聊成雨穿林別起風溫泉非爾數源

發在深空

送成州牧

清時為塞郡自古有儒流素望知難愜新恩且用酬犬  
牙連蜀國兵額貫秦州祇作三年別誰能聽邑留

薊北書事

度磧如經海茫然但見空戍樓承落日沙塞礙驚蓬暑  
過燕僧出時平虜客通逢人皆上將誰有定邊功

送徐州薛尚書

上將出儒中論詩擬立功州從禹後別軍自漢來雄遠  
驛消寒日嚴城肅暮空龍顏有遺廟猶得奠英風

貽曹郎中

所作高前古封章自曲臺細看明主意終用出人才省  
印尋僧鎖書樓領鶴開南山有舊友時向白雲來

送縉雲尉

釋褐從仙尉之官興若何去程惟水石公署在雲蘿野

阪樓中迴晴峰  
案上多三年罷趨府  
應更戰高科

送董卿赴台州

九陌除書出尋僧  
問海城家從中路  
挈吏隔數州迎夜  
蚌侵燈影春禽雜  
櫓聲開圖見異跡  
思上石橋行

送友人赴涇州幕

一作送李中丞再赴虔州

杏園沉飲散榮別  
就佳招日月相期  
盡山川獨去遙府  
樓明蜀雪關磧轉  
胡鷗縱有煙塵動  
應隨上策銷

逢漳州崔使君北歸

在郡多殊稱，無人不望回。  
離城攜客去，度嶺擔猿一作出。  
來障寫經冬，藥瓶絨落暑。  
梅長安有歸宅，歸見鎖青苔。

雲朔逢山友

會面却生疑，居然似夢歸。  
塞深行客少，家遠識人稀。  
戰馬分旗牧，驚禽曳箭飛。  
將軍雖異禮，難一作便使脫麻衣。

別後寄友生

一作崔魯詩

上馬如飛鳥，飄然隔去塵。  
共看今夜月，獨作異鄉人。  
就養江南熟，移居井賦新。  
襄陽曾卜隱，應與孟家鄰。



邊遊別友人

欲別不止淚當杯難強歌家貧隨日長身病涉寒多雨  
雪迷燕路田園隔楚波良時未自致歸去欲如何

邊庭送別

一生雖達理遠別亦相悲白髮無修處青松有老時暮  
煙傳戍起寒日隔沙垂若是長安去何難定後期

將之京師留別親友

達命何勞問西遊且自期至公如有日知我豈無時野

迴蟬相答堤長柳對垂酣歌一舉袂明發不堪思

贈別山友

從容無限意不獨為離羣年長驚黃葉時清厭白雲  
舊山迴馬見寒瀑別家聞相與存吾道窮通各自分

途次績溪先寄陳明府

入境風煙好幽人不易傳新居多是客舊隱半成仙  
山斷雲衝騎溪長柳拂船何當許過縣聞有篋中篇

送友人歸武陵

聞近桃源住無村不是花  
戍旗招海客廟鼓集江鴉  
別島垂橙實閒田長荻芽  
遊秦未得意看即更一作是離家

亂中寄友人

別來難覓信何處避艱危  
鬢黑無多日塵清是幾時  
人情將厭武王澤即興詩  
若便懷深隱還應聖主知

哭建州李員外

詩名不易出名出又何為  
捷到重科早官終一郡卑  
素風無後嗣一作裔遺跡有一作受生祠  
自罷羊公市溪猿哭

舊時

弔孟浩然

每每樵家說孤墳亦夜吟若重生此世應更苦前心名  
與襄陽遠詩同漢水深親栽鹿門樹猶蓋石牀陰

送友人及第歸

一本題下有  
新羅二字

家林滄海東未曉日先紅作貢諸蕃別登科幾國同遠  
聲魚呷浪層氣蜃迎風鄉俗希攀桂爭來問月宮

次韻和友人冬月書齋

四季多花木窮冬亦不凋薄冰

一作雲

行處斷殘火睡來

消象版簾書帙蠻簾絡酒瓢公卿有知己時得一相招

### 過山家

避暑得探幽忘言遂久留雲深窗失

燈一作火

曙松合徑先

秋響谷傳人語鳴泉洗客愁家山不在此至此可歸休

### 宿山驛

驛在千峰裏寒宵獨此身古墳時見火荒壁悄無鄰月  
白翻驚鳥雲開欲就人祇應明日鬢更與老相親

宿開照寺光澤上人院

靜室譚玄旨清宵獨細聽  
真身非有像至理本無經  
鐘定遙聞水樓高別見星  
不教人觸穢偏說此山靈

宿山寺

中峰半夜起忽覺有一作在青冥  
此界自生雨上方猶有

星樓高鐘尚一作獨遠殿古像多  
靈好是潺湲水房房伴

誦經

題紫閣院

上方人海外苔徑上千層洞壑有靈藥房廊無老僧古  
巖雕素像喬木挂寒燈每到思修隱將回苦一作不能

白菊

秋天木葉乾猶有白花殘舉世稀栽得豪家恰畫看片  
苔相應綠諸卉獨宜寒幾度攜佳客登高欲折難

叢葦

叢叢寒水邊曾折打魚

一作釣罾

船忽

一作咸又作或

與

一作喜

亭臺

近翻嫌島嶼偏花明無月夜聲急正秋天遙憶巴陵渡

殘陽一望煙

鄭轂補闕山松

心將積雪欺根與白雲  
離遠寄僧猶憶高看鶴  
未知影  
交新長葉斂  
匝舊生枝多少  
同時種深山不得移

新竹

新鞭暗入庭  
初長兩三莖

一作一莖

不是他山少  
無如此

地生垂梢叢  
上出柔葉籜  
間成何用高  
唐峽風枝掃月

明



和友人送趙能卿東歸

一第時難得歸期日已過相看玄鬢少共憶白雲多楚  
濶天垂草吳空月上波無人不有遇之子獨狂歌

送人歸南中

有家誰不別經亂獨難尋遠路波濤惡窮荒雨露深燒  
驚山象出雷觸海鼉沉為問南遷客何人在瘴林

塞下曲

邊事多更變天心亦為憂胡兵來作寇漢將也封侯夜

燒衝星赤寒塵翳日愁無門展微畧空上望西樓

邊將二首

歷戰燕然北功高劔有威聞名外

一作敵

國懼輕命故人

稀角怨星芒動塵愁日色微從為漢都護未得脫征衣  
按劔立城樓西看極海頭承家為上將開地得邊州磧  
迴兵難伏天寒馬易收胡風一度獵吹裂錦貂裘

朔方書事

秋盡角聲苦逢人惟荷戈城池向隴少岐路出關多雁

遠行垂地烽高影入河仍聞黑山寇又覓漢家和

經荒驛

古驛成幽境雲蘿隔四鄰夜燈移宿鳥秋雨禁行人廢  
巷荆叢合荒庭虎迹新昔年經此地終日是紅塵

贈棲白大師

剃髮得時名僧應別應星偶題皆有詔閑論便成經掃  
葉寒燒鼎融冰曉注瓶長因內齋出多客叩禪扃

贈聞一上人

見面雖年少聞名似白頭玄談窮釋旨清思掩詩流果  
落痕生砌松高影上樓壇場在三殿應召入焚修

贈可倫上人

師教本於空流來不自東修從多劫後行出衆人中衲  
冷湖山雨幡輕海甸風游吳累夏講還與虎溪同

寄法乾寺令諲太師

師居中禁寺外請已無緣望幸惟修偈承恩不亂禪院  
多喧種藥池有化生蓮何日龍宮裏相尋借法船

寄太白禪師

何年萬仞頂獨有坐禪僧客上應無路人傳或見燈齋  
厨一作孟惟有橡講石任生藤遙想東林社如師誰復能

遇道者

數里白雲裏身輕無履蹤故尋多不見偶到即相逢古  
井生雲水高壇出異松聊看杏花酌便似換顏容

贈道者

得道疑人識都城獨閉關頭從白後黑心向關中閑饑

渴惟調氣兒孫亦駐顏始知仙者隱殊不在深山

雨

半夜西亭雨離人獨啓關桑麻荒舊國雷電照前山細  
滴高槐底繁聲疊漏間惟應孤鏡裏明月長愁顏

長安春望

明時不敢卧煙霞又見秦城換物華殘雪未銷雙鳳闕

新春已發五侯

一作陵

家甘貧祇擬長緘

一作監

酒忍病猶

期強採花故國別來桑柘盡十年兵踐海西艖

過黃牛峽

黃牛來勢瀉巴川疊石孤舟逐峽前  
雷電夜驚猿落樹波濤愁恐客離船  
盤渦逆入嵌空地斷壁高分繚繞天  
多少人經過此去一生魂夢怕潺湲

逢道者

縱意出山無遠近還如孤鶴在空虛  
昔年親種樹皆老此世相逢人自踈  
野葉細苞深洞藥巖蘿閒束古仙書  
祇一作終尋隱跡歸何處方說煙霞不定居

邊情

窮荒始得靜天驕又說天兵擬渡遼  
聖主尚嫌蕃界近將軍莫恨漢庭遙  
草枯朔野春難發冰結河源夏半銷  
惆悵臨戎皆効國豈無人似霍嫖姚

贈李司徒

承家拓定隴闕西勲貴名應上將齊  
金庫夜開龍甲冷玉堂秋閉鳳笙低  
歡筵每怨嬌娥醉閑櫪猶驚戰馬嘶  
長怪魯儒頭枉白不親弓劍覓丹梯



送盧尚書赴靈武

西北征傳烽候急靈州共喜信臣居從軍盡是清才去  
屬郡無非大將除新地進圖移漢界古城遺碣見蕃書  
山川不異江湖景賓館常聞食有魚

投翰林張侍郎

舉家貧拾海邊樵來認仙宗在碧霄丹穴雖無凡羽翼  
靈椿還向細枝條九衢馬識他門少十載身辭故國遙  
願與吾君作霖雨且應平地活枯苗

投翰林蕭侍郎

九仞墻邊絕路岐，野才非合自求知。  
靈湫豈要魚棲浪，仙桂那容鳥寄枝。  
纖草不銷春氣力，微塵還助岳形儀。  
從來為學投文鏡，文鏡如今更有誰。

宴駙馬宅

牙香禁樂鎮相攜，日日君恩降紫泥。  
紅藥院深人半醉，綠楊門掩馬頻嘶。  
座中古物多仙意，壁上新詩有御題。  
別向庭蕪寘吟石，不教官妓蹋成蹊。

邊將

上馬乘秋欲建勳  
飛弧夜闕出師頻  
若無紕塞煙塵事  
誰識青樓歌舞人  
戰骨沙中金鏃在  
賀筵花畔玉蟬新  
由來邊卒皆如此  
只是君門合殺身

贈水軍都將

平生為有安邦術  
便別秋曹最上階  
戰艦却容儒客卧  
公廳惟伴野僧齋  
裁書一作詩榭迴冰膠筆  
養藥堂深蘇  
惹鞋直待門前見  
幢節始應高慳聖君懷

贈九江太守

江頭暫駐木蘭船  
漁父來誇太守賢  
二邑旋添新戶口  
四營漸廢舊戈鋌  
笙歌不似經荒後  
禮樂猶如未戰前  
昨日西亭從游騎  
信旗風裏說詩篇

贈信安太守

三衢正對福星時  
喜得君侯妙撫綏  
甲士散教耕隴畝  
書生閑許從旌旗  
條章最是貧家喜  
禾黍仍防別郡饑  
昨日中官說天意  
即飛丹詔立新碑

贈江都鄭明府

他人豈是稱才術才術須觀力有餘兵亂幾年臨劇邑  
公清終日似閑居林頭怪石神仙畫篋裏華牋將相書  
更欲棲蹤近彭澤香爐峰下結茅廬

贈南昌宰

假邑邀真邑命分明庭元有至公存每鋤奸弊同荆棘  
惟撫孤惇似子孫折獄不曾偏下筆靈襟長是大開門  
新銜便合兼朱紱應待蒼生更舉論

贈丘衙推

仙都高處掩柴扉，人世聞名見者稀。  
詩逸不拘凡對屬，易窮皆達聖玄微。  
偶攜童穉離青嶂，便被君侯換白衣。  
任醉賓筵莫深隱，綺羅絲竹勝漁磯。

獻所知

跡熟荀家見弟兄，九霄同與指前程。  
吹噓漸覺馨香出，夢寐長疑羽翼生。  
住僻驛驄皆識路，來頻鸚鵡亦知名。  
登龍不敢懷他願，祇望為霖致太平。

投所知

十五年看帝里春一枝頭白未酬身自聞離亂開公道  
漸數孤平少屈人劣馬再尋商嶺路扁舟重寄越溪濱  
省郎門似龍門峻應借風雷變涸鱗

南康夜宴東溪留別郡守陸郎中

飄然野客才無取多謝君侯獨見知竹葉樽前教駐樂  
桃花紙上待君詩香迷蛺蝶投紅燭舞拂蕪葭倚翠帷  
明發別愁何處去片帆天際酒醒時

言懷

十載

一作年

聲沈覺自非賤身原合衣荷衣豈能得路陪

先達却擬還家望少微戰馬到秋長淚落傷禽無夜不  
魂飛平生祇學穿楊箭更向何門是見機

喜友人日南迴

南遊曾去海南涯此去遊人不易歸白日霧昏張夜燭  
窮冬氣暖著春衣溪荒毒鳥隨船啖洞黑冤虵出樹飛  
重入帝城何寞寞共迴遷客半輕肥



下第述懷

十載長安跡未安  
杏花還是看人看  
名從近事方知險  
詩到窮玄更覺難  
世薄不慚雲路晚  
家貧惟怯草堂寒  
如何直道為身累  
坐月眠霜思枉乾

華陽道者

華陽洞裏持真經  
心嫌來客風塵腥  
惟餐白石過白日  
擬騎青竹上青冥  
翔螭豈作漢武駕  
神娥徒降燕昭庭  
長生不必論貴賤  
却是幽人骨主靈

夏日題老將林亭

百戰功成翻愛靜侯門漸欲似仙家  
墻頭雨細垂纖草  
水面風迴聚落花  
井放轆轤開浸酒  
籠開鸚鵡報煎茶  
幾人圖在凌煙閣  
曾不交鋒向塞沙

觀江南牡丹

北地花開南地風  
寄根還與客心同  
羣芳盡怯千般態  
幾醉能消一番紅  
舉世祇將華勝實  
真禪原喻色為空  
近年明主思王道  
不許新栽滿六宮

錢塘夜宴留別郡守

四方騷動一州安，夜列樽罍伴客歡。  
感粟調高山閣迥，

蝦蟆更促海聲寒。

郝天挺云江南以木析警夜故曰蝦蟆更

屏間佩響藏歌

妓幕外刀光立，從官沈醉不愁歸。  
棹遠晚風吹上子陵

灘

送薛郎中赴江州

幾州聞出刺，謠美有江民。  
正面傳天旨，懸心禱岳神。  
尺書先假路，紅旆旋燒塵。  
郡顯山川別，衙開將吏新。  
散招

僧坐暑閑載客行春聽事慕忘著探題酒亂巡好編高  
隱傳多貌上昇真近日居清近求人在此人

送南海僧遊蜀

真備絕故鄉一衲度暄涼此世能先覺他生豈再忘定  
中船過海臘後路沿湘野迴鴉隨笠山深虎背囊瀑流  
垂石室籐蔓蓋銅梁却後何年會西方有上房

和友人許棠題宣平里古籐

欲結千年茂生來便近松迸根通井潤交葉覆庭穠歷

代頻更主盤空漸變龍  
畫風圓影亂宵雨細聲重  
蓋密勝丹桂層危類遠峰  
嫩條懸野鼠枯節叫秋蛩  
翠老霜難蝕皴多蘚乍封  
幾家遙共翫何寺不堪容  
客對忘離榻僧看誤過鐘  
頃因陪預作終夕遶枝筇

十五夜與友人對月

每到月圓思共醉  
不宜同醉不成歡  
一千二百如輪夜  
浮世誰能得盡看

青塚

傾國可能勝効國無勞冥冥更思回太真雖是承恩死  
祇作飛塵向馬嵬

古戰場

荒骨潛消壘已平漢家曾說此交兵如何萬古冤魂在  
風雨時聞有戰聲

贈段逸人

長筇自擔藥兼琴話着名山即擬尋從聽世人權一作忙

似火不能燒一作移得卧雲心

贈鄭司業

晚學更求來世達，正懷非與百邪侵。古人名在今人口。

不合干

一作千

名不苦心

上所知

初向衆中留姓氏，敢期言下致時名。而今馬亦知人意，  
每到門前不肯行。

別鄭仁表

春雷醉別鏡湖邊，官顯才狂正少年。紅燭滿汀歌舞散。

美人迎上木蘭船

言懷

不將高蓋竟煙塵  
自向蓬茅認此身  
唐祖本來成大業  
豈非姚宋是平人

叙懷

月裏路從何處上  
江邊身合幾時歸  
十年九陌風寒夜  
夢掃蘆花絮客衣

抒懷



幾出東堂謝不才便甘閒望故山迴翻思未是離家久  
更有人從外國來

自諷

鹿鳴筵上強稱賢一送離家十四年同隱海山燒藥伴

不求丹

一作仙

桂却登仙

傷賈島

生為明代苦吟身死作長江一逐臣可是當時少知己  
不知知己是何人

再遊西山贈許尊師

別後已聞師得道不期猶在此山頭昔時霜鬢今如漆  
疑是年光却倒流

宮詞

日透珠簾見冕旒六宮爭逐百花毬迴看不覺君王去  
已聽笙歌在遠樓

經范蠡舊居

一變姓名離百越越城猶在范家無他人不見扁

識一作

扁

舟意却笑輕生泛五湖

題嘉陵驛

嘉陵路惡石和泥行到長亭日已西  
獨倚闌干正惆悵  
海棠花裏鷓鴣啼

龜山寺晚望

四面湖光絕路歧  
鷓鴣飛起暮鐘時  
漁舟不用懸帆席  
歸去乘風插柳枝

華山孤松

石罅引根非土力，冒寒猶助岳蓮光。  
綠槐生在膏腴地，何可一作得無心拒雪霜。

弔萬人塚

兵罷淮邊客路通，亂鴉來去噪寒空。  
可憐白骨攢孤塚，盡為將軍覓戰功。

送友尉蜀中

故友漢中尉，請為西蜀吟。  
人家多種橘，風土愛彈琴。  
水向昆明闊，山通大夏深。  
理閑無別事，時寄一登臨。

長安寓懷

九衢秋雨掩門扉不似干名似息機  
貧病却慙牆上土年來猶自換新衣

費徵君舊居

浮世拋身外棲蹤入九華  
遺篇補樂府舊籍隸仙家  
池靜龜昇樹庭荒鶴隱花  
古來天子命還少到煙霞

御定全唐詩卷七百二